

# Službeni glasnik BiH, broj 83/13

Na osnovu člana 61. Zakona o upravi ("Službeni glasnik BiH", broj 32/02 i 102/09), člana 19. stav 2. tačka a) Zakona o Agenciji za identifikacione dokumente, evidenciju i razmjenu podataka Bosne i Hercegovine ("Službeni glasnik BiH", broj 56/08), te člana 19c. Zakona o putnim ispravama Bosne i Hercegovine ("Službeni glasnik BiH", broj 4/97, 1/99, 9/99, 27/00, 32/00, 19/01, 47/04, 53/07, 15/08, 33/08, 39/08 i 60/13), direktor Agencije za identifikacione dokumente, evidenciju i razmjenu podataka Bosne i Hercegovine donosi

## UPUTSTVO

### O NAČINU UZIMANJA BIOMETRIJSKIH PODATAKA U POSTUPKU IZDAVANJA PUTNIH ISPRAVA

#### **Član 1. (Predmet)**

Ovim Uputstvom propisuje se način uzimanja biometrijskih podataka u postupku izdavanja putnih isprava i to uzimanje fotografije, uzimanje otisaka prstiju i potpisa, te uzimanje biometrijskih podataka za maloljetna lica do navršene dvanaeste (12) godine života.

#### **Član 2. (Biometrijski podaci)**

(1) Prilikom podnošenja zahtjeva za izdavanje putne isprave, uzimaju se sljedeći biometrijski podaci podnosioca zahtjeva:

- 1) fotografija,
- 2) otisci prstiju,
- 3) potpis.

(2) Ukoliko je podnosilac zahtjeva za putnu ispravu u proteklih 36 mjeseci od dana podnošenja istog podnio zahtjev za putnu ispravu ili ličnu kartu Bosne i Hercegovine ne treba ponovo akvizirati biometrijske podatke, već se koriste postojeći.

(3) Ukoliko referent na lokaciji utvrdi značajniju ili trajniju promjenu na podnosiocu zahtjeva za putnu ispravu, može ga uputiti na ponovno akviziranje biometrijskih podataka.

#### **Član 3. (Uzimanje biometrijskih podataka)**

(1) Pod uzimanjem biometrijskih podataka podrazumijeva se uzimanje podataka pomoću odgovarajućih tehničkih sredstava i prevođenje tih podataka u elektronski oblik (u daljnjem tekstu: uzimanje).

(2) Starom, bolesnom i licu sa hendikepom može se omogućiti podnošenje zahtjeva i uzimanje biometrijskih podataka na olakšan način, putem mobilne radne stanice.

(3) Državljanima Bosne i Hercegovine u inostranstvu, u slučajevima većeg broja podnosilaca zahtjeva za izdavanje putnih isprava na lokacijama udaljenim od diplomatskog ili konzularnog predstavništva Bosne i Hercegovine, kada ukupni troškovi putovanja i druge okolnosti ukazuju na racionalnost i opravdanost, omogućava se podnošenje zahtjeva na olakšan način.

#### **Član 4. (Uzimanje fotografije)**

(1) Uzimanje fotografije se vrši digitalnom kamerom.

(2) Fotografija mora ispunjavati sljedeće uslove:

a) izoštrena i jasna,

d) prikazuje lice koje direktno gleda u kameru, a ne da gleda preko ramena (portret stil) ili u stranu, i jasno prikazuje obje ivice lica,

e) prikazuje prirodne tonove kože,

f) ima odgovarajuću jačinu svjetlosti i kontrast,

g) biti neutralna na boje,

h) prikazuje otvorene i jasno vidljive oči bez kose preko njih,

j) biti snimljena sa ravnom i svijetlo obojenom pozadinom,

k) biti snimljena pri univerzalnom osvjetljenju bez sjenki ili odbljeska blica na licu i bez crvenih očiju,

l) snimak mora prikazati oči jasno, bez odsjaja blica na naočalama i bez obojenih sočiva (ako je moguće izbjegavati teške okvire - naočale sa lakšim okvirom),

m) provjeriti da okviri naočala ne pokrivaju niti jedan dio očiju,

n) pokrivala za glavu nisu dozvoljena, osim iz religioznih razloga, ali karakteristike lica od početka brade do vrha čela, kao i obje ivice lica moraju biti jasno prikazane.

#### **Član 5. (Uzimanje otisaka prstiju)**

(1) Uzimanje otiska prstiju vrši se skenerom za otiske i podrazumijeva uzimanje otiska lijevog i desnog kažiprsta, na dodir.

(2) Ako lice nema kažiprst ili je vrh kažiprsta povrijeđen, uzima se otisak srednjeg ili nekog drugog prsta, ako nema jedne ruke uzima se otisak kažiprsta i srednjeg ili nekog drugog prsta druge ruke.

(3) Za svaku ruku, ukoliko je kažiprst povrijeđen ili nedostaje, ili ima ISO/IEC 1979-4 rezultat od 0 do 25, uzima se otisak srednjeg prsta, prstenjaka ili palca iste ruke te će se uzeti u obzir i bit će snimljen najviši ISO rezultat koji je moguć. Ako svi prsti jedne ruke daju otisak lošeg kvaliteta shodno naprijed navedenom standardu, uzet će se otisak prsta sa najboljim rezultatom.

(4) Otisci prstiju se ne uzimaju ako to zbog medicinskih razloga, koji nisu privremeni, nije moguće.

(5) U slučajevima iz stava 2. i 3, na zahtjevu za izdavanje putne isprave, na poledini zahtjeva, službeno lice upisuje podatak sa kojih prstiju su uzeti otisci, odnosno da uzimanje otiska nije moguće, što svojim potpisom potvrđuje.

#### **Član 6. (Uzimanje potpisa)**

(1) Uzimanje potpisa se vrši pomoću table za digitalizaciju potpisa. Potpis mora biti originalan, svojeručan, treba minimalno sadržavati puno ime ili puno prezime podnosioca zahtjeva i biti ispisan pisanim slovima. Pod pojmom originalan potpis podrazumijevamo potpis koji podnosilac zahtjeva koristi ili ima namjeru koristiti u pravnom prometu.

(2) Ako je lice nepismeno ili uzimanje potpisa nije moguće iz drugih objektivnih razloga, na obrascu putne isprave na mjestu predviđenom za potpis upisuje se oznaka XX, a službeno lice na poledini zahtjeva navodi razloge nemogućnosti uzimanja potpisa i to potvrđuje svojim potpisom.

#### **Član 7. (Izuzetak od pravila)**

(1) Otisci prstiju i potpis ne uzimaju se od djeteta do navršene dvanaeste godine života.

(2) Odredba iz stava (1) primjenjuje se po sticanju tehničkih uslova, odnosno po uvođenju novog obrasca knjižice putne isprave.

#### **Član 8. (Stavljanje van snage)**

Stupanjem na snagu ovog Uputstva stavlja se van snage Uputstvo o načinu uzimanja biometrijskih podataka ("Službeni glasnik BiH", broj 45/09).

m: 24.10.2013. godine

**Član 9.**  
**(Stupanje na snagu)**

Ovo Uputstvo stupa na snagu osmog dana od dana objavljivanja u "Službenom glasniku BiH".

Broj 15-03-02-2-895/13  
03. oktobra 2013. godine

Direktor  
**Mr. Siniša Macan, s. r.**